

FEDERALNO UDRUŽENJE
PERADARA «PILE» ILIDŽA
Gornje Vlakovo broj: 101
Kon.tel. 061/841-899

Poštovana gospodo!

Sa željenjem mi danas moramo konstatovati da je peradarstvo u FBiH nažalost dovedeno do totalnog kraha i propasti, zahvaljujući pogrešnoj politici podsticanja neposrednih poljoprivrednih proizvođača posebno u peradarstvu.

U prilog ovoj tvrdnji ide činjenica a i podatak da je iz sistema podsticaja izostavljen podsticaj za matična jata tkzv. teške linije tovnih pilića brojlera, kao i inkubatorska proizvodnja jednodnevnih pilića.

Ovako porešnom pristupu od strane nadležnog ministarstva naši domaći proizvođači i vlasnici matičnog jata dovedeni su na rub propasti.

Da apsurd bude veći sve ove kategorije bile su u Zakonu i Pravilniku o podsticaju u FBiH predviđeni i planirani, ali programom o podsticaju koji je donijela i usvojila Vlada ove kategorije jednostavno izbačene i izostavljene.

Ovako pogrešnim aktom kantonima u FBiH je onemogućeno da iz svojih budeta podstiču ovu granu što je opet nama farmerima znatno otežalo našu proizvodnju i opstanak zbog nelojalne konkurencije iz vana i okruženja.

Peradarstvo u FBiH zavrijeđuje daleko veću pažnju nego što je bio slučaj do sada jer su naši proizvodni kapaciteti takvog nivoa da zaslužuju maksimalni tretman i pomoć države.

Ovo potkrijepljujemo činjenicom da je peradarstvo jedna od grana u poljoprivredi koja izvršava sve svoje obaveze, jer je to jedna od najuredenijih grana i oblasti počev od registra u PDV sistemu pa do najsitnijih detalja kada su u pitanju i ostale poreske obaveze koje su uredno izmiruju prema državi. Tako da u ovoj oblasti izostaju bilo kakve manipulacije i malverzacije.

Između ostalih iznosimo samo jedan primjer naših obaveza, koje ostale grane u poljoprivredi nemaju a to su obaveze prema Federalnoj agenciji za vode Savskog sliva gdje se naše farme obavezuju da plaćaju tkzv. Doprinos za otpadne vode u iznosu od 200,00 do 1.000,00 KM zavisno od veličine farme, iako prema svim mjerenjima ta zagadenost iz naših farmi ne postoji.

Kada se saberu svi ovi nameti mi smo ukupnim obavezama prema državi opterećeni plaćati 0,30 KM po jednom tovnom piletu, dok nas država ničim ne podstiče niti pomaže osim pojedini kantoni koji iz svojih budeta daju podsticaj u iznosu od 0,10 do 0,20 KM po tovnom piletu, i to kao naknada za veterinarske troškove koji su takođe izuzetno veliki. Slijedeći podatak koji iznosimo a koji obavezuje državnu vlast da mora u peradarstvu kao grani privrede uopšte prepoznati vrlo respektabilan faktor u otvaranju novih radnih mjesta jer sada na nivou FBiH peradarstvo zapošljava cca 2.000 stalno zaposlenih radnika i 10.000 se sezonski zapošljava, a iza kojih stoji preko 20.000 domaćinstava koji od toga žive.

Poštovana gospodo, imajući u vidu iznesene prednje navedene činjenice, ukoliko se nastavi sa ovakvim trendom gušenja domaće proizvodnje od strane Ministarstva za poljoprivredu i resornog ministra ova proizvodnja umjesto tendencije rasta doživjet će totalni krah i propast.

Sarajevo, 02.08.2012. godine

PREDSJEDNIK UDRUŽENJA

PINO Mesud
PINJO Mesud

